

Մեծ Երազ՝ սնանկ առեւտուր:

Բեմադարդական շինծու ալիքների նման նախադասութիւնները մեքենարար ոլորտում են, բարձրանում, փոթորիկ ձեւացնում ու մի կողմ նեւաւում: Փոշի եւ թանձրաբարտ:

Ողբերգութիւնը ձայնը ուռեցնում է, կեղծ դասական դերասանի նման մեծ ժեստեր է անում, չափազանցուած խօսքեր է ասում, մինչ իրականութեան մէջ սիրտը պարասպ է, ուղեղը ձանձրոյթի եւ ճարպիկ մէջ անհետացել է եւ մինակութիւնը կրծում է էութիւնը:

Գեռ երէկ մեծ երեւոյց դազափարները, այսօր չնչին գիտակցութիւնների խոնաւ անկիւնում մզլոտել են:

Աշխարհը տակնուվրայ անող ձեծաբարբառ նշանաբանները քարշ են գալիս աղքատիկ Հայաստանում ու ոչխարի բառաչի նման կորչում:

Յեղափոխութիւնը փոքրիկ խանութ է բաց արել:

Ապրել՛, ապրել՛:

Եւ ի՞նչ դաժան կենաք:

Չեղօքների առջեւ դայլի ձեւեր անող այդ խեղճութիւնները հացի եւ պաշտօնի շուրջը պտտում են զարնանային արու կատունների նըման: Շուռայտ նայուածքներով, մազերը դուրս տնկուած, անքուն:

Հիներից ոմանք, նրանք, որ իսկապէս հաւատացել են եւ ամէն ինչ գոհել՝ դայրոյթը մեղադրութեան են փոխում եւ մի մի Համբատ՝ սպասում են ներկայացման վերջին արարին:

Սակայն, Գիլտերշտէյն եւ Ռոզենկրանցները, լեզուները դուրս հանած, վազում են, փսփսում, նախանձում, դաւում: Հողաթափները ձեռքերին, ամբոխի առջեւ կատակերգութիւն են անում: Կատակերգութիւն են անում եւ դայրանում, չարանում, թոյն ու մաղձ թափում:

Հայ իրականութեան մերկութիւնը ոչինչ չի ծածկում: Ժայռերի նման ամէն ինչ ցրցուած է: Ամէն ինչ լերկ է ու սարդ: Արարատի շուքը երբեք չի ընկնում դաշտի վրայ, խորհրդաւոր անկիւններ չի ստեղծում: Բաց դիրք է, երկաթադիր տառերով տպուած:

Փրեօլեան, յետ մղուած կիրքերը եւ ապրելու անյազ տենչը դուրս էր յորդել յեղափո-

խութեան արիւն եւ կրակի մէջ: Այսօր, բախուել է պարասպին, վերադարձել սեռային օրգանների խաւար ենթագիտակցութեան մէջ, բոյն կազմել փչացած ստամոքսների շուրջը, քանդել ջրային սիստեմը եւ օձ դարձել թուլացած ողնաշարի վրայ:

Ուզում են ապրել եւ չեն ապրում, վայելել եւ չեն վայելում:

Գո՛նէ տիրել:

Տիրել՛:

Ընդհանուր մեռածութեան սոսկումից բռնուած, նրանք իրենց ձեւացնում են սուր զգացումների տէր, ջրազրկօրէն կրքոտ եւ յաւիտենասպէս ըմբոստ: Պառաւ կանանց նման, որ սէր եւ երիտասարդութիւն են խաղում: Սակայն, ամէն մէկը գիտէ, որ հիւանդագին այդ տենչը ծանր երազ է, որ չափազանցուած այդ զգացումները իրական չեն, որ մեքենարար կրկնուած դազափարները հարազատ չեն, որ արտաքնասպէս ցոյց տրուած ջրայնութիւնը իսկական զրգիւններ չեն, այլ մի տեսակ հաշիւ՝ երեւակայական:

Եւ որովհետեւ այդ գիտեն՝ դժբախտ են եւ չար:

Հիւանդանոցային այդ մտադարութիւնը ման է գալիս փողոցներում, վառվառն բիբեր ոլորում սենեակներից ներս, սրտերի վրայ ժանգոտած դանակ սրում, յոյզեր սզոցում, մտքեր տաշում եւ փոքրօղի բռնակալութեան մագոխեան գինիով հարբում:

Կարմրարիւն ապազայ Երուսաղէմը՝ ծուխ է:

Ծուխ է եւ ներկան: Անկալուն, փոքրիկ, ամենօրեայ վաճառք: Հեղնութիւն, նախանձ, սոււա եւ կեղծաւորութիւն:

* * *

— Դա ի՞նչ սրիկայութիւն է,— ասում է ծերունի կուսակցականը,— դա ի՞նչ աշխարհ է...

— Ի՞նչ է եղել որ:

— Երէկ թեղ հետ սրճարանում նստած ժամանակ, պետական թերթի գէր ու կարճ խմբադիրը լսել է մեր խօսակցութիւնը եւ մատնել: Այսօր Երեւանեան կոմիտէի լակոտները կանչել են եւ հազար ու մի պատմութիւն... Եղբայր, ընկել ենք մի քանի սրիկաների ձեռ-